



RUU Perubatan (Pindaan) 2024 dibentang di Dewan Rakyat

Keratan Akhbar BH
Tarikh 16/3/2024

- | | |
|---|---|
| <ul style="list-style-type: none">• Beri kuasa Majlis Perubatan Malaysia (MMC) iktiraf kelayakan, latihan kepakaran pengamal perubatan sebagai doktor pakar | <ul style="list-style-type: none">• Persatuan Perubatan Malaysia (MMA) rayu Ahli Parlimen sokong pindaan bagi selesaikan isu 'parallel pathway', selain isu kekurangan kritikal pakar perubatan |
|---|---|

Pindaan Akta 50 beri MMC kuasa iktiraf kelayakan, latihan kepakaran

Keratan Akhbar BH
Tarikh

RUU tambah baik peruntukan pendaftaran pengamal perubatan sebagai pakar

Grafik Muhammad Yusri Muzamir
yusri.muzamir@bh.com.my

Kuala Lumpur: Rang Undang-Undang (RUU) Perubatan (Pindaan) 2024 yang dibentang untuk bacaan kali pertama di Dewan Rakyat semalam antara lain bertujuan memberikan kuasa kepada Majlis Perubatan Malaysia (MMC) untuk mengiktiraf kelayakan serta latihan kepakaran bagi tujuan pendaftaran pengamal perubatan dan pakar.

Pindaan untuk itu membabitkan perenggan 4a(2)(h) adalah sebahagian daripada Fasal 4 dalam RUU yang dibentangkan Menteri Kesihatan, Datuk Seri Dr Dzulkefly Ahmad.

RUU Perubatan (Pindaan) 2024 bertujuan meminda Akta Perubatan 1971 (Akta 50) untuk menambah baik peruntukan mengenai pendaftaran pengamal perubatan sebagai pakar serta bagi me-

Keratan Akhbar BH
Tarikh 16/7/2024

melaksanakan proses pengiktirafan kelulusan dan latihan kepakaran.

Dr Dzulkefly turut membentangkan RUU Pencegahan dan Pengawalan Penyakit Berjangkit (Pindaan) 2024 untuk bacaan kali pertama, dengan bacaan kali kedua dan ketiga untuk kedua-dua RUU terbabit akan dibuat pada sesi persidangan kali ini.

Berdasarkan naskhah biru yang dikongsi menerusi laman web Parlimen semalam, Fasal 4 dalam RUU Perubatan (Pindaan) 2024 juga bertujuan memberikan kuasa kepada MMC untuk melantik mana-mana pengamal perubatan berdaftar untuk mewakili majlis dalam apa-apa jawatankuasa, panel atau institusi yang mana orang itu kemudian membuat syor kepada majlis mengenai semua perkara berhubungan dengan kelayakan pegawai perubatan atau pengawalseliaan amalan perubatan.

Fasal 5 pula bertujuan meminda perenggan 14(2a)(a) yang memperuntukkan mana-mana orang boleh berdaftar penuh di bawah di bawah Seksyen 14 berkaitan orang yang berhak didaftarkan penuh, sekiranya berhasrat untuk mengajar, melakukan penyelidikan atau mengikuti kursus lepasan ijazah dalam bidang kepakaran di bawah apa-apa program latihan di mana-mana institusi seperti ditentukan majlis.

Fasal 6 pula bertujuan menggantikan Seksyen 14b bagi me-



Dr Dzulkefly ketika membentangkan RUU Perubatan (Pindaan) 2024 untuk bacaan kali pertama di Dewan Rakyat, semalam. (Foto ihsan Penerangan)

ngadakan syarat untuk pengamal perubatan berdaftar sebagai pakar; selain memperuntukkan latihan kepakaran sebagai suatu kehendak untuk berhak didaftarkan sebagai pakar.

Fasal 10 pula bertujuan untuk

memasukkan Jadual baharu Keempat dan Kelima di dalam Akta 50 yang menyenaraikan kelulusan kepakaran yang boleh didaftarkan dan untuk mengadakan senarai subkepakaran.

Isu pematuhan pematuhan

Program Latihan Ijazah Kepakaran atau parallel pathway mencuri tumpuan apabila kemelut tercetus mengenai pengiktirafan latihan kepakaran yang dilaksanakan Kementerian Kesihatan (KKM).

Isu ini timbul selepas MMC menolak permohonan empat pakar bedah kardiotoraksik untuk disenarai dalam Daftar Pakar Kebangsaan kerana Fellowship of Royal College of Surgeons of Edinburgh in Cardiothoracic Surgery (FRCS Ed) yang diperoleh mereka tidak diiktiraf susulan penguatkuasaan pindaan Akta Perubatan mulai 2017.

Antara penyelesaian dicadangkan sesetengah pihak adalah empat pakar itu diterima untuk melalui latihan khusus di Universiti Teknologi MARA (UiTM) sebagai universiti pertama menawarkan program kepakaran perubatan dengan kerjasama Institut Jantung Negara dalam bidang pembedahan kardiotorasik.

Isu ini sudah dibawa dalam mesyuarat bersama KKM dan Kementerian Pendidikan Tinggi (KPT) pada April lalu bagi mencari penyelesaian, dengan Dr Dzulkefly mengumumkan Akta Perubatan 1971 akan dipinda bagi membolehkan beberapa masalah berbangkit dapat diselesaikan, termasuklah mendaftarkan pegawai perubatan yang sudah menamatkan latihan kepakaran parallel pathway.